

MOPROFETA WA GO GALOGA SEFAHLEGO



Bjale a nke Morena a oketše ditšhegofatšo tša Gagwe go thuto ya: *Moprofeta Wa Go Galoga Sefahlego*.

² Mosong wo re be re tšeešwe godimo kudu ka moprofeta yo a bego a apere kobo ya go onaletšwa. Gomme re a tseba bošegong bjo, ge e sa le ka Lengwalong, mosong wo, gore rena ka borena beng re apara kobo ya go onaletšwa. Rena . . . kobo. Gomme ke thabile kudu gore ke kobo ya go onaletšwa, ka gore kobo ye re e aparago bjale e badilwe go Modimo bjalo ka toko, ka Kriste Jesu. Gomme ga re tšee kobo ya go lewa ka mmota ya thutamodimo yo monna yo mongwe ye e jelwego ke mebota le ditsentsere, le go ya pele, le go bolela go re, “Matšatši a mehlolo a fetile, gomme ga go selo se se bjalo ka—ka botlalagohle ga Moya wo Mokgethwa bjale.” Eupša re apere kobo ya toko ya Gagwe.

³ [Ga go selo godimo ga theipi—Mor.] E sego ka go go kgona ga rena beng, eupša go go—go go kgona ga Morena wa rena Jesu.

⁴ Gomme ge ke etla tlase Jorodane, ke nyaka go apara kobo ya Gagwe, go tšhepa ka go ya Gagwe. Gomme morithi wo mogolo wa kgoro o beilwego pele ga rena bohle, o bitšwago “lehu,” nako le nako ge pelo ya rena e rethetha, re ya morethetho o tee kgauswiuswi go sekgala se segolo seo monna yo mongwe le yo mongwe le mosadi a swanetšego go ya go se kgabola. Gomme ge ke etla sekgaleng, mmogo le lena badumedi, ke thaba kudu go tseba gore ga ke ye ka kua le se ka pelong ya ka le mogopolo, gore ke dirile se sengwe se segolo. Ke ya kua, ke ipolela le go tseba gore ke nna modiradibe, le go tseba se, gore, ke nyaka go iphuthela ka bonna ka go diaparo tša toko ya Gagwe; ka bopaki bjo, go re, “Ke Mo tseba ka maatla a tsoya ya Gagwe.” Gore, ge A bitša go tšwa bahung, ke nyaka go tšwela ntle.

⁵ Bjale, lefelo la rena la tiragalo la terama le beilwe bošegong bjo bakeng sa sehlogo sa rena, la letšatši le lengwe ka Israele, e ka bago mengwaga ye makgolo a mmalwa ya go feta na—na nakong ya Eliya. Merotoga le metheoga ye mentšhi e tlile ka go pušo ya Israele. Gomme bjale re lefelong la tiragalo bošegong bjo . . .

⁶ Mosong wo re be re le lefelong la tiragalo la fao go bego go le go ekiša ga nama go gontšhi kudu, ka fao sekolo sa baprofeta se bego se le godimo kua ba hlhliwa go ba baprofeta. Gomme ka fao ba bego ba le bonolo, go fihla ebile ba be ba sa kgone go kwešiša maatla a Modimo. Ba gopotše gore maatla a phagamišeditše Eliya godimo le go mo lahla ntle ka dithabeng felotsoko, gomme ba romile lekoko la go puruputša go mo tsoma.

Ge, Elisa o tsebile, botse le gabotse, gore Modimo o mo tšeeše Letagong. Ka gobane, o be a se gona. Modimo o mo tšere, gomme o phonykgile lehu ka go ya Gae go Modimo, godimo ga koloi ya Mollo le dipere tša Mollo. Gomme nako yeo re bone diseminare tša bona le mediro ya bona ya thutamodimo ya bonabeng ga se ya šoma. Go tšere kgetho le pitšo ya Modimo go dira moprofeta wa Modimo.

⁷ Gomme bjale, bošegong bjo, re hwetša Israele ka go leemo la go kgeloga. Israele e bile le merotoga le metheoga ya yona. E be e le sona sekai sa kereke lehono. Nako ye nngwe ba be ba le dintlhohlong tša ntlo, nako ye e latelago ba be ba le tlase ka moeding. Seo ke se se tšea go re dira go thabela selo se sebotse. Fao go se ba se bitšago molao wa phapano.

⁸ Mothomoso wa Afrika ga se a ke a tseba gore o be a le yo moso, letlalo la gagwe, go fihla a bone David Livingston. Gomme o rile . . . Nako yeo o lemogile letlalo la gagwe e be e le le lesa, ka gore la Livingston e be e le le lešweu. Ke phapano.

⁹ O ka se tsoge wa tseba go thabela mosegare ge o se wa ke wa ba le bošego. O ka se tsoge wa tseba go thabela phadimo ya letšatši ge o se wa ke wa ba le letšatši la maru. O ka se tsoge wa tseba go thabela toko, ntle le ge o bile le go se loke mo gongwe. O ka se tsoge wa tseba go thabela go phelega mo go botse, ntle le ge o bile le go phelega ga go fošagala, go phelega mo go be. Ke feela bao . . .

¹⁰ Gomme ke lebaka leo ke naganago gore re tla thabela Legodimo kudu, ka gore gatee re phetše lefaseng. Gomme ke a nagana molao wa phapano . . . Lebaka le re thabelago Moya wo Mokgethwa kudu, bošegong bjo, ke ka gore re phetše botelele bjalo ka kerekeng ye e re boditšego gore go be go se selo se sebjalo. Lebaka le re o thabelago, bošegong bjo, ka gore re bile le lehlakore le lengwe. Ke tsela ye Modimo a e emišeditšego go ba, ka gore batho ba Gagwe ba bile le merotoga le metheoga ya bona. O ka se tsoge wa tseba go thabela ntlhora ya thaba, ntle le ge o kile wa ba ka moeding. Gomme, bjalo, o ka se tsoge wa tseba go thabela meetse a makaone ntle le ge o nwele meetse a mangwe a mabe nako ye nngwe. Gomme ka gona o—o . . . Tsela yohle go kgabola, ke molao wa phapano.

¹¹ Bjale, Israele e be e le ka go le tee la maemo a go kgeloga, gomme a selo se ba se dirilego!

¹² Bjale, Israele e be e le ba go kgethwa, ba ba kgethilwego, batho ba go hlaolwa, bao Modimo a kgethetšego Israele morero o motee wa go ikgetha, gore madi a Israele a swanetše go ba moela wa madi a go hlwekahlweki, ka gobane go tšwa go lešika leo go be go eya go tšwa Mesia Yenamong.

¹³ Gohle go theoga go kgabola Testamente ya Kgale, Modimo o tšweletše ka go monna. Modimo o tšweletše ka go Abraham, bjalo ka modumedi wa tumelo. Modimo o tšweletše ka go

Dafida, bjalo ka kgoši. O tšweletše ka go Josefa, bjalo ka toko. O tšweletše ka go Moshe, bjalo ka moprofeta, moprista, mofi wa molao. O tšweletše go theoga go kgabola mabaka, ka go moprofeta. Ka mehla O itirile Yenamong go tsebja ka go banna, ka karolo, ka moprofeta, kgoši, moprista, mofi wa molao, go ya pele. Eupša, ka go Kriste, O dutše ka go Yena, botlalo bja Bomodimohlogo mmeleng, le go tseba gore mafelelong Moya wo o swanetše go hwetša lefelo la go khutša. Go Eliya, o be a le monna wa toka ya Modimo. O goleditše ntle toka ya Modimo. Gomme, Moshe, o be a le mofi wa molao, gore gatee o goga mmaraka goba o tšwela ntle. Ka go dilo tše tšohle, Modimo o emetšwe. Eupša ge A tlile go Kriste, O be a phethagetše, botlalo bjohle bja Bomodimohlogo mmeleng bo khutšitše ka go Kriste.

¹⁴ Gomme Modimo o ikemetše ka Boyenamong gatee ka go botlalo, pele ga nako. Ka go Puku ya Genesi, ka go tshepedišo ya Melekitsedeke, “Yo a bego a se ne tate, go se mme; go se mathomo a matšatši, goba mafelelo a mengwaga, goba mafelelo a bophelo.” Gomme O be a le Moprista, Kgoši ya Salema, moprista wa Modimo, wa Modimo yo godimodimo, Yo a bego a se na le mathomo goba mafelelo. O be a se yo mongwe ge e be e se seswantšhopele sa Morena Jesu Kriste. Gobane, O be a le Kgoši ya Salema, e lego Kgoši ya Khutšo, e lego Kgoši ya Jerusalem. Gomme O be a le ka seswantšhopele. Le mopatriaka Abraham o lefile karolo ya lesome go Yena. O be a le seswantšhopele sa go tla ga Morena Jesu. Melekitsedeke wa go swana o kopane le Abraham ntle ka molaleng pele ga go senywa ga Sodoma le Gomora. Gomme—gomme O kopane le yena ka morago ga Sodoma le Gomora, ge Abraham a Mo lefile dikarolo tša lesome tša phahlo yohle yeo a e tšerego go kgoši.

¹⁵ Dilo tšohle tše di dirilwe morithi, di kaile Kriste. Gomme bjale, merithi yohle ya bakgethwa ba Testamente ya Kgale, merotoga le metheoga ya bona, e be e le morithi le sekai, mehlala ya rena lehono.

¹⁶ Bjale, re hwetša gore Israele e be e sa swanela go tswaka lenyalo. Lenyalo la bona le be le swanetše go ba magareng ga bona seng, MoIsraele a se tsoge a nyetše Montle, eupša e be e le go boloka moela wa madi a bona o hlwekile. Gomme ebile go fihla letšatši le, ke a dumela moela wa madi a Mojuda ke moela wa madi—madi wa go hlwekahlweki godimo ga sefahlego sa lefase lehono, ke Mojuda. Ba sa lebeletše Mesia yola. Eupša, O . . . Re a tseba gore O šetše a tlile; gomme mahlo a bona a be a foufadišwe, gore re kgone go ba le sebaka sa tshokologo ka Kriste.

¹⁷ Bjale, lebakeng la nako ya pušo ya Esera, bana ba Israele ba ile ba kgeloga. Ba ile ba ya ntle gomme ba hwetša basadi ba Bamoaba, gomme ba hwetša basadi ba Baamoro, Baperese, le ba bantši ba ditšhaba tše dingwe. Gomme ga se ba nyala bona feela, eupša ba dirile bootswa magareng ga bona, go se hlweke, le go tšhilafatša wona moela wa madi, e lego moela wa bophelo.

18 Gomme a seswantšho e lego sona lehono sa dikereke tša rena, ka tsela ye di wago go tšwa go mothalo wa go matlola wa fešene ya kgale wo Modimo a o beetšego kereke fase. Melawana ye re bego re swanetše go phela ka yona, kereke e dira bootswa le lefase. E tšwetše ntle ka lefaseng, le go thoma go gerema ka lefaseng.

19 Bjale, se se gaggamaditše moprofeta kudu, go fihla, ge a etla pele ga Modimo, o ile a galoga ka sefahlegong sa gagwe. La mathomo ge a kwele ka yona, gomme o bone go—go bola ga maitshwaro a batho ba gagwe, e mo gobaditše gampe go fihla a dula fase gomme a itlotša yenamong, a tomola moriri wa gagwe ntle le maledu a gagwe ntle, gomme o be a le pelo boima pele ga Morena, ka thapelong. Morago ge sehlabelo sa mantšiboa se neetšwe, o ile ka tempeleng gomme a wa ka matolo a gagwe le go galoga sefahlego pele ga Modimo, bakeng sa sebe sa batho.

20 Bjale, ga se a ke a galoga sefahlego bakeng sa mokgotha wa moretele wa tikologo ya lebone le lehubedu. Ga se a ke a galoga sefahlego bakeng sa go nwa ga banwi ka go molete wa hele, le ge go be go le mo gobe ka mo go bego go ka ba. Eupša, o galogile sefahlego ka baka la sebe sa bakgethiwa.

21 Gomme se re se nyakago lehono ke baprofeta ba bangwe gape ba go ba le Modimo go lekanela ka pelong ya bona go galoga sefahlego ka go bogona bja Modimo, bakeng sa dibe tša batho ba ba ipitšago ka bobona batho ba Modimo gomme ba dira ka tsela ye ba dirago. A kgobogo ye re e tlišitšego go lefelo le! Maitshwaro a batho ba rena . . .

22 Ye ga se thuto ye bonolo go bolela ka yona. Ke kgona go gopola ka dilo tše dintši tše di bego di le bonolonolo go bolela ka tšona. Eupša, ngwanešu, ge yo mongwe a sa eme ntle ka go le la sebe, letšatši la bootswa le re phelago ka go lona, le go bitša mebala, go ya go direga eng? Yo mongwe o swanetše go bolela se sengwe. Yo mongwe o swanetše go se bea pele ga batho.

Mohlomongwe Esera ga se a ke a nyaka go se dira, eupša se be se le ka pelong ya gagwe.

23 Gomme ge o bona mohlanka wa Modimo a hlokofala bjalo go fihla a le godimo ga sefahlego sa gagwe ka diatla tša gagwe ka moyeng, a rapela Modimo, gomme a galoga sefahlego ka baka la bokgopo bja batho, gona o ya go bona tsošetšo e thoma. Monna a ka se kgone go robala ka Bogoneng bja Modimo, kereke e ka se kgone go dula ka bogoneng bja Modimo, ka tlase ga tshokologo, ntle le ge Moya wo Mokgethwa o etla fase le go fa maatlafatšo le maatla go thoma mosepelo wa Modimo ka kua magareng ga batho bale. Go no swanela go ba!

24 Ntaetše monna. Ntaetše Calvin yo mongwe, Knox, Finney, Sankey, goba e ka ba mang wa bao ba kwago morwalo wa batho, ba ba robalago ka sefahlego sa bona le go lla le go rapela pele ga Modimo. Re romele John Smith wa kereke ya Baptist gape, yo a

rapetšego bošego bjohle bakeng sa bokgopo bja batho, go fihla mahlo a gagwe a ruruga a tswalelega mosong wa go latela, ka go lla, go fihla mosadi wa gagwe a tla mo hlahla go ya tafoleng go mo leša difihlolo go tšwa go lehwana. Ntaetše John Wesley gape, leswao la mollo le le ubutšwego go tšwa mollong, ke tla go laetša tsošeletšo.

²⁵ Se ba se dirago lehono, re e phaphatha ka magetleng. Re se bitša *se* le *sela*, le tsošeletšo, ge go se tsošeletšo go yona. Yeo ke nnete. Go na le go huduega ga maikutlo a bodumedi magareng ga batho, eupša e sego tsošeletšo.

²⁶ Ba bile le sehlopha sa bodumedi ka go letšatši lela. Ba bile le dikhuduega ka go letšatši lela, eupša ba be ba hloka tsošeletšo.

²⁷ Gobaneng, ngwanešu morategi le kgaetšedi, maitshwaro a setšhaba se a bile a fase bjalo go fihla a tla dira mpša go lewa ke hlong. Go tla dira mpša motsomi go galoga sefahlego ge e ka dira bjalo, maitshwarohlephi a batho ba rena! Batho, le mengwaga ya go feta, dilo tše re nago natšo, se—se setšhaba se di dirilego, dilo tše batho ba di dirilego! Tšohle ke go hlaelwa ga thapelo.

²⁸ Kereke ye e bego e tlwaetše go ba, e be e sa dumele go dipontšho tša diswantšho, ba be ba sa dumelele bana ba bona go ya pontšhong ya diswantšho. Ba be ba šišingwa pontšho ya diswantšho. Gomme, lehono, gobaneng e bile ba na le . . . Ba bile le pontšho ya diswantšho ka ntlong ya bonabeng. Ntlo ye nngwe le ye nngwe e na le thelebišene.

²⁹ Ka lefelong mo ba bego ba tlwaetše go nagana gore e be e le phošo go nwa bjala, ka lefelong mo ba bego ba tlwaetše go nagana . . . John Barleycorn, a moisa yo mogolo wa tumelo e bego e le yena. Lehono, diphesente tše masometshele tša ba ba bitšwago Bakriste ba tšea seno sa leago bonnyane gatee ka ngwaga. Ka nako yeo ba mo lešumathong le legolo, go dikologa Krisemose, ge ba na le mokete wa bona. Ka gore, ba beile thuto go tšea lefelo la phološo. E ka se tsoge ya se dira.

³⁰ Se re se hlokago ke tsošeletšo. Re bea dipantisi tša lebele godimo, ra di tloša; pantisi ye nngwe ya lebele, ra e tloša, gomme re sa no fela re hwetša bohloko ka fao. Seo re se hlokago lehono ga se tsošološo ya leago, ga se dipolelo tša bohloko. Seo re se hlokago lehono ke ya fešene ya kgale, tšhollo ya Madi serongwa ke Modimo go tšwa Legodimong. Pantisi ya lebele e ka se dire bobotse. Re hlaelwa madi. Re hloka tšhollo ya Madi. Re hloka go bowa morago go Ebangedi ya fešene ya kgale ye e bitšago tshokologo ntle pele ga Modimo. Gomme e sego ya mahlo a go oma, modiro wa go šišinya seatla; eupša ya go rongwa ke Modimo, tsošeletšo ya Moya wo Mokgethwa ka modiro wa go hlwekiša wa Madi a Morena Jesu Kriste ka go pelo ye nngwe le ye nngwe ya motho. Re hloka tsošeletšo go thoma ka Kerekeng, gomme go swiela setšhaba go kgabaganya. Re tla hwa, re tla senyega, re ile, ntle le mohuta woo wa tsošeletšo.

31 Ke babja le go lapa go bona ditšošetšo tše nnyane tša go tšhipha tša Hollywood, tšeo di bitšwago bjalo, moo batho ba tlogo ka gare go hwetša maikutlo a go huduiwa godimo diiri tše mmalwa, le, goba letšatši goba a mabedi, goba beke goba tše pedi, le go ya ntle gomme ke sohle sa yona. Ngwanešu, o ka kgona go ba ka gare ga . . . wa šomelwa godimo ke tšošetšo. O ka kgona go ba le maikutlo. O ka kgona go ba le maikemišetšo a makaone. Dilo tšeo tšohle ke tše kaone, eupša ga re hloke seo lehono.

32 Re hloka kolobetšo ya Moya wo Mokgethwa, go fetola maikutlo, le bohlale, le mmono, mekgwa, bophelo bja batho, le go ba bea morago tseleng ya maleba gape. Ntle le tšhollo ya Madi go tšwa Khalibari, dimphafatšo tšohle tša rena di ka se dire botse e ka ba bofe le gatee.

33 Ga re hloke U.N. Re na le U.N. kua, gomme ba dirile eng? Leina la Modimo ga se la ke la bitšwa. Ba boifa go Le bitša. Go ile gwa botšišwa gatee, ke sehlopha sa baruti, “Gobaneng ba sa be le thapelo?” Ba rile, “E ka kgopiša yo mongwe gape, yo motee wa ba ba bangwe yo a bego a sa dumele ka go Modimo.”

34 Oo, se re se hlokago ke tšošetšo. Ga e dire phapano ye e itšego gore e kgopiša mang, re swanetše go rera Ebangedi le go bitša mebala ya rena go šoma. Thwi. Nka se go fe disente tše lesome bakeng sa lenaneotshepedišo lefe kapa lefe le le tlogetšego Modimo ka ntle ga lona, e ka ba ke U.N., goba tše kgolo tše nne, e ka ba eng e ka bago yona.

35 Go fihla setšhaba se se tsogela godimo go lefelo, gore re a hwa ka ntle ga Madi a Morena Jesu Kriste; go fihla batho ka batho ba tsogela godimo go—go sehlola, gore re a hwa! Lebaka leo re hwago, ke go hloka ya setlogo, tsela, pheko, kalafi ye Modimo a re filego kua Khalibari.

36 Ga go makatše se dira monna a galoge sefahlego! Ga go makatše! Wa kgonthe, moreri wa therešo o lebelela godimo ga phuthego ya gagwe le go leka go ba etellapele pele ga terone ya Modimo. Gomme o etela magae a bona, gomme o ba hwetša ba kgoga disekerete, ba botšana metlae ya ditšhila mongwe go yo mongwe, ba tlošana bodutu ka mafuri a serapa, ka diphathe tša bjala; go sepela go dikologa mekgotha, basadi ba bona ba baswa, le ba mengwaga ya magareng, le go ya pele, gomme ebile le makgolo a apere dišothi tše nnyane. Mme ntle mokgotheng le leseka ka letsogong le tee, a apere wa thobalano go lekanela go goga šedi ya segatamoroko e ka ba sefe se bego se sepela mokgotheng; gomme ba ipitša Bakriste bonabeng. E tla dira monna e ka ba mang wa therešo wa Modimo go galoga sefahlego, go tliša motho yo bjalo ka bogoneng bja Modimo. Nnete!

37 Gomme gohle go tšoeni kereke ga rena le go hwetša maemo a makaonekaone, go tlile go ditšiebadimo, gomme e dirile ka letšatši lela e tla dira le. Re tliša morago go Modimo, e sego ka tlhabelo ya thuto, e sego ka tlhabelo ya mpshafatšo ya bodumedi,

e sego ka tlhabelong ya mohuta wo mongwe wa thutamodimo ya madirwa ke motho. Eupša kolobetšo ya Moya wo Mokgethwa ya fešene ya kgale ya go romelwa fase go tšwa go Modimo, go tšwa Legodimong, ka go boitemogelo bja pentecostal bja go tshuma ntle bodumedi. Le go bea legatong ka kua lebjehohlokwa leo Modimo a le beetšego go ba ka kua gare la morwa le morwedi wa Modimo. Go fihla ge re dira seo, banešu le dikgaetšedi, re tla no be re sa na le ba go ripa moriri, meikapo, godimo basadi ba go lebega thobalano; gomme banna ba a nwa, ba a kgoga, gomme ba ipitša bonabeng Bakriste; ka gore ga ba tsebe bokaone. Ka pelong ya bona, wona modu wa senama o robetše kua, gomme re hloka go hlwekišwa godimo ga kereke, go tloga motheong go ya phuluphithing. Amene. Gomme ye ke nnete.

³⁸ Se re se hlokago lehono ke baprofeta ba bangwe ba go galoga difahlego. Modimo. . . Nako ye nngwe batho ba tla ka mothalong wa thapelo, go rapelelwa, go bonala o ka re ba ya ntlong ya tumo ye mpe. Ke nnete. Ba tla go kgopela Modimo se sengwe, gomme ba lebega bjalo ka Isebele. Se re se hlokago lehono ke go hlwekiša ntle le go ruthetša pelo, ga baprofeta ba Modimo ba ba tla emago ka phuluphithing le go biletša selo ntle, le go bolela sa maleba le sa phošo; le go rera Ebangedi ntle le go itšimeletša, go fihla badiradibe ba wela lebatong, le go lla go fihla Modimo a roma Moya wo Mokgethwa go hlwekiša godimo bophelo bja bona. Amene. Re a tseba ke nnete. Ke nnete.

³⁹ Ke rerile mo e sego telele go fetile le go bolela gore mosadi yo mongwe le yo mongwe ka toropongkgolo ye o be a na le molato, ka tsela e tee goba ye nngwe, wa bootswa. Ba nao. Basadi ba ya tlase toropong mo gomme ga ba kgone go reka roko, ntle le ge e le bjalo ka ge o ka re ba tšholletšwe ka go yona. Ga ke mo go. . . Ye ke kereke ya ka mong. Ke na le tokelo go rera se Moya wo Mokgethwa o mpotšago go se dira. Nnete.

⁴⁰ A ke le botšeng. Ga ke le swaswalatše, dikgaetšedi. Eupša Moya wo Mokgethwa a ga o go rute go fapana? Ge o sa dire, ke a boifa ga se wa hwetša Moya wo Mokgethwa. Ke nnete. Moya wo Mokgethwa ga se “go goelela.” Moya wo Mokgethwa ga se “go bina ka Moya.” Moya wo Mokgethwa ga se “go bolela ka maleme.” Moya wo Mokgethwa ke toko. Modimo, re fe tsošetšo ya Moya wo Mokgethwa ya toko seromelwa ke Modimo.

⁴¹ A ga o lemoge gore ge o ikapeša ka mokgwa woo wenamong le go sepela go theoga mokgotha, gomme banna ba go lebelela ka tsela ya go fošagala, gore Kahlolong. . . O ka no ba o hlwekile bjalo ka lili, pele ga monna wa gago. Eupša, ka Kahlolong, o tla ba le molato wa go dira bootswa le mothaka yo o ipealadišego wenamong go yena.

⁴² Ga go makatše Go tla dira motho go galoga sefahlego! Ga go makatše! Go dirile eng go Modimo? Ge, Beibele e rile, mathomong, gore, “Go Mo nyamišitše, gore O dirile motho.” Go

nyamišitše pelo ya Modimo, ge A lebeletše godimo ga bona ka matšatšing a pele ga tshenyo ya meetsefula, gore O kile a dira motho. Go diregile eng? “Barwa ba Modimo ba bone barwedi ba batho e le ba ba botse.” E be e le phapogo. E be e le tlhakahlakano ya thobalano. E bile selo seo sa go raka bana ba Modimo go tšwa serapeng sa Edene. Ke selo se se gapilego kahlolo ya Modimo, go tliša khutšo godimo ga lefase. E bile selo sa go ba hlolela go senywa. E bile tlhakahlakano ya go swana, gare ga basadi le banna, ye e hlotšego Sodoma le Gomora go nwelela ka fase ga Lewatle la go Hwa.

⁴³ Go boletšwe ke baprofeta. Go boletšwe ke Morena Jesu, go re, “Bjalo ka ge go bile ka matšatšing ao, kafao go tla ba pele ga go Tla ga Morwa wa Modimo.” Re a lebelela lehono, gomme re bona gore kereke e tšea phethene ya yona e sego go tšwa Beibeleng, go tšwa go Ruthe le go tšwa go Naomi, le go tšwa go Sarah le ba bangwe ka Beibeleng. Eupša ba itshwantšha, ebile le basadi ba kereke, morago ga Hollywood le yona megogo ya diabololo.

⁴⁴ Gomme le ka fao batho ba rena, ba ba ipitšago Bakriste bonabeng, ba ya ntle mo le go hwetša ditsela tša monna yo mobe yo. Direkote tša Elvis Presley, e ka ba eng leina la gagwe e lego, yo motee wa ba ba talogilego kudukudu, batho ba go swarwa ke diabololo bao ke ilego ka ba kwa bophelong bja ka. Arthur Godfrey le ba ba bjalo ka bao, le go theetša yona mehuta ya ditšiebadimo go diyalemoya tša lena; le go gana go kwa thero ya Ebangedi e rerwa, le Beibele. Modimo a be le kgaogelo go lena. Ke mohuta mang wa moya re nago nao magareng ga rena? Ke nnete.

⁴⁵ Ga go makatše moprofeta wa Modimo o galogile sefahlego pele ga—ga Morena. O tsebile e be e le go se loke. Gomme o eme le go phophotha molato, le go re go Modimo, “Ga se ra loka.”

⁴⁶ Gomme re bjalo, bagwera, go fihla ge re ka kgona go tla morago go lefelo lela la tšhollo ya Madi. Go tlogela go leka go bea dipantisi godimo. Go tlogela go leka go bea sehlare se se itšego. Phodišo e ka se kgone go tla ntle le ge moela wa madi o lokile.

⁴⁷ Ke ka baka leo batho ba nago la bolwetši bja swikiri. Ge yo mongwe a ka itshega yenamong, go kgonagalo e ka se tsoge ya fola. Gobaneng? Ka gore disele tša kgonthe tša madi mahubedu di jelwe godimo.

⁴⁸ Gomme kereke ka moka e bile bolwetši bja swikiri. Gomme mosego wo mongwe le wo mongwe wo monnyane o tlogo, go e na le go sepela go ya pele, le a o topa. E ka se kgone go fola. Boitebelelonoši, bojato, maitshwarohlephi, se sengwe le se sengwe se lego ka go tšhupamabaka ya “go dira phošo” ya Modimo, kereke e topa mekgwa yeo. Banna ba a nwa, ba a kgoga, ba bolela metlae ya ditšhila. Basadi ba ripa moriri wa bona, ba tlola meikapo, ba dira mehuta yohle ya dilo, ba ikapeša bonabeng wa maitshwarohlephi go lebana le batho. Dilo tšeo tšohle ke ka baka la go hloka Madi a Morena Jesu Kriste go re

hlwekiša go tšwa go go se loke gohle. Amene. Seo se ka bonala bothata. Nnete, ke mo go thata, eupša ke Therešo.

⁴⁹ Ge re sa kgebele pele dikahlolo tša ramaatlakamoka Modimo, le ya go swarwa le lengwe la matšatši a ka go mothuthupo wa athomo mo, wo o tla romelago soulo ye nngwe le ye nngwe ntle ka go Bokagosafelego, go kopana le Modimo yo a tla lemogago feela Madi a Morwa wa Gagwe, Jesu Kriste. Ke rata go le bona le etla ka fase ga Madi. Keletšo ya ka, go lena, ke go loka le Modimo. Keletšo ya ka go lena.

⁵⁰ Gabotse, gobaneng re sa kgone go ba le tumelo? Gobaneng re sa kgone go ba le diphodišo tše dikgolo go feta tše re nago natšo? Gobaneng re sa kgone go itira renabeng go agiwa ka go kwagala? Ke ka gobane re bea dipantisi tša lebele; ka gobane re bea dikgomarela; re bea godimo diripana tša theipi. Re leka go khupetša selo godimo, go na le gore re re re hloka tšhollo. Ga re na le Madi. Ga re na le Kriste. O se itumelele wena mong go tlaetšwa.

⁵¹ Se dumelele diabololo go go phaphatha legetla, go re, “Gabotse, ke ya kerekeng.”

⁵² Diabololo o a dira, le yena. Ke nnete. Ka nnete o dirile; o tllile godimo go Modimo, o ile kerekeng godimo ka Legodimong; a tla pele ga Terone ya Modimo, le barwa ba Modimo, a dula fase le bona; a ba le theeletšo le Modimo. O rile, “O be o le kae?”

⁵³ O rile, “Ke be ke sepela go ya le go bowa, go rotoga le go theoga, godimo ga lefase.” Ke fao a bego a le gona.

⁵⁴ Kafao, diabololo o ya kerekeng. Diabololo ke wa kereke. Diabololo o dira bjalo ka Mokriste. Ke mofori. Gomme ge nkabe a se a dira bjalo ka Mokriste le go dira bjalo ka kereke, a ka be a se mofori; ga go motho yo a bego a ka kgona go forwa. Selo se nnoši, ke phapano bjalo ka boso le bošweu. Di a fapana setee go se sengwe. Eupša Yena . . . Beibele e rile, “E tla batamelana kudu go fihla e be e tla fora le bona Bakgethiwa ge go be go kgonega,” moya wola ka go letšatši la mafelelo. Bagwera, re fao.

⁵⁵ Ke nako ya baprofeta ba Modimo, oo, ngwanešu, go bareri, ge le ka e bolela, go kgabaganya setšhaba, go wa ka difahlego tša bona.

⁵⁶ Gobaneng, le ge, go le dikereke tše milione tše lesomesenyane tša Baptist . . . Mabaptist a milione tše lesomesenyane, a ke re, ka Amerika; Mamethodist a milione tše lesometharo; Malutheran a milione tše lesometee; Mapresbyterian a milione tše lesome. Kgaogelo, nagana ka seo! Gomme kgafetšakgafetša go papadi ya polo, go boithabišo. Gomme ka Laboraro bošego, gomme dinako tše dingwe Lamorena bošego, ba dula gae go theetša thelebišene le seyalemoya, sa mehlatloša ya kgale ye mekopana le metlae ye ba e gogago go tšwa Hollywood. Soulo ya gago e pshikologa godimo ga mohuta woo wa dilo.

57 Ge, o swanetše go ba le Beibele ya gago ntle felotsoko, o robetše ntle pele ga Modimo, godimo ga matolo a gago, go rapelela dibe tša naga.

58 Gomme ke na le molato le lena. Ke feditše le mogopolo wa ka. Ka thušo le mogau wa Modimo, ge Modimo wa rena a ka mpha maatla go e dira, ke ikemišeditše go gatelela go ya go mmaraka wa pitšo ya godimo ka go Kriste Jesu, go fihla lehu le tla ntokolla. Modimo a be mothuši wa ka go dira bjalo! “Nthuše,” ke thapelo ya ka. Go bona mediro, le go bona dilo tše ke di bonego le tše le di bonego, gomme go šalela morago, le hloka madi semoyeng.

59 Gomme tabarenekele ye e tsebegago ntle go kgabola lefase lohle, lefelo le lennyane le la poloko ya khonkhoriti le dutšego khoneng, Modimo o le phagamišetše godimo pele ga setšhaba. Nnete.

60 Ke nagana ka Dafida, bošego bjo bongwe, ge a rile, “Ke nna yo, ke phela ka gare ga ntlo ya mosetara, gomme areka ya Modimo wa ka e dula ka gare ga tente.” O rile, “Ke tla Mo agela ntlo.”

61 Nathane, moprofeta, o rile, “Dira tšohle di lego ka pelong ya gago, gobane Modimo o na le wena.”

62 Bošegong bjoo, Modimo o tšweletše go Nathane gomme a re, “Da- . . . Eya o botše Dafida, ‘O be o le mang, Dafida? O be o le . . . Ke go tšere go tšwa lešakeng la dinku, go tšwa go dišeng dinku. Gomme ke go dirile leina le legolo, go swana le banna ba bagolo ba setšhaba”

63 E be e le mang ka go tabarenekele ye nnyane ye e dutšego mo? Lešoredi le lennyane la kgale, seragelwa ntle se sengwe se se dutšego khoneng ya Eighth and Penn Street, go fihla Jeffersonville e sa tsebe mo e bego e le, le batho ba ba tlogo mo. Gomme lehono, Modimo, ka kgaogelo ya Gagwe, o go topetše godimo le go go dira motho yo mogolo. Bombay, India e tseba mo tabarenekele ye e dutšego. Durban e le tsebile; tšohle ditšhaba tše dingwe tše. Afrika e tseba mo lefelo le le lego; India, Jeremane, Engelane, Finland, Sweden, Yuropa, Asia, tšona tšohle, tsela tlase ka go dihlahlake tša Thailand, le tlase ka kua, bohle ba tseba ka lona. Gomme Modimo o re dirile mohlala go batho. Gomme go nagana, gona, morago ga ge Modimo a dirile seo, gomme re senya nako ka go tsekella ka go dilo tša lefase, le go ba gona go hloka madi semoyeng. Gobaneng, re swanetše go ba ntlo ya seetša ye e dutšego godimo ga thaba, kerese ye e sa kgonego go fihlwa. O Modimo! Ke na le molato bjalo ka lena bohle.

64 Se ke se rago, ke nyaka—ke nyaka ya fešene ya kgale, tshokologo seromelwa ke Modimo, le go biletša morago go Modimo, gore ge banna le basadi ba tsena ka mojako wola, godimo ga mahlotlo, ba tla sepelela ntle ka ntle ga wona. Ge difofu di hlahliwa go tsena ka mojako, ba tla tšwela ka ntle ba bona. Ge difoa di etla ka gare e le difoa, di tla tšwela ka

ntle di ekwa. Ge badiradibe ba tsena ka gare, e le ba baso le go kgamathela ka sebe, ba tla ya ka ntle, ba hlatswitšwe ka Mading a Kwana. A re ka se kgone go e dira? Modimo o biditše Israele le go ba dira mohlala. Modimo o re biditše le go re dira mohlala, eupša re hlephišitše go Modimo, gomme go re galoša difahlego ka Bogoneng bja Modimo.

⁶⁵ Go gopola gore, dilo tše A re diretšego! Ka fao a re phagamšetšego godimo go tšwa go lešaka la dinku! Ka fao a re dirilego go tsebalega, gohle lefaseng tšekelele! Ka fao A re diretšego dilo tše dikgolo! Gomme, go le bjalo, re senya nako ka go tsekella, gomme re hlakana go dikologa le go ya ntle, gomme ga re bonale re hlokofetše. Ga re sa na le thapelo gape, gomme dilo di no se, go swana le, go ya gabotse. Gomme re leka go bea godimo mananeotshepedišo a mannyane, dipantisi tša lebele, go fokotša bohloko. O ka se kgone go fokotša bohloko go fihla o hwetša a go loka, Madi a go huma ka kua go fodiša selo. Nnete!

⁶⁶ O ripa lebele la kgale ntle, gomme o tla ikhweletša wenamong bolwetši bja swikiri, gomme bo tla tloša leoto la gago. O se leke go phatlalatša *se*, le go tla *se* ka thoko, le go ripa pantisi ya lebele ya *se*.

⁶⁷ Eupša selo sa go dirwa ke go tla thwi ntle pele ga Modimo, le go re, “Modimo, ga ke na le madi, gomme ke hloka Madi a Gago go ntlhwekiša go tšwa go sebe sohle.” Yeo ke thapelo ya ka, ke tshepa gore ke ya gago.

⁶⁸ Nagana ka dilo tše, mogwera. Le lengwe la matšatši a; e no kgonega go direga pele ga seetša sa letšatši mosong, bjalo ka ge e ka direga mengwaga ye masometlhano go tloga lehono. Pomo e tee ya rokete, ye tee ya tšela tša khopaete goba pomo ya haetrotsene e ka kgona. . . Setšhaba ka moka se ntšhitše mahlo dinameng.

⁶⁹ Le e bone ka lephepheng letšatši le lengwe mo ba nyakago saentshe, pentagon, go araba dipiring tša go fofa. E be e se nonwane. E be e se se sengwe e se akantšego. E be e le sa kgonthe. E be e le bohla. Di fofa ka sebopego sa ntwana. Di be di kgona go ema. Di kgona go thoma. Di kgona go ema. Ba kgona go bolela. E be e le bohla. Ba a e tseba. Batho ba segile. Ba rile, “Dipiring tša go fofa?” ba dirile metlae go tšwa go yona.

⁷⁰ Eupša a le tseba se ke se gopolago? Jesu o rile, pele A etla, go tla ba le maswao ka Legodimong godimo. A le etše hloko? Pele A be a ka thoma, go senya Sodoma le Gomora ka baka la ditaba tša bona tša thobalano, O romile Barongwa tlase go e nyakišiša. Barongwa ba tlile lefaseng ka go mengwaga e sego mekae ya go feta. Ba be ba bonwa magareng ga batho; ke ra, batho ba go botega bahlatswiwa ka Madi ba ba e tsebago. Ba ile ba be ba ema le go ba le diswantšho tša bona di tšewa. Ke nnete. Diphedi Barongwa ba etile, go tšea lentšu go le bušetša go Tate, gore sebe se pakelane go fihla dinaledi di sa kgone go phadima.

[Ngwanešu Branham o kokota godimo ga phuluphithi makga a mahlano—Mor.] Ngwedi . . . Lefase ka moka le phokaela bjalo ka monna wa go tagwa a etla gae bošego. Nnete.

⁷¹ Sebe magareng ga Bakriste, magareng ga Bakgethiwa! Ba rekišitše ntle ditokelo tša bona tša tswalo, bakeng sa botsebalegi. Modiredi o neelana ka Ebangedi bakeng sa phathi ya leago. O neelana ka Ebangedi ya go hlatswa ka Madi ya fešene ya kgale bakeng sa bohla le batho, go rera bohla le go bolela ka sosaete, le go šomiša Ebangedi bošaedi. Bontši bja bona bo ile ka mašomong, go rera, gomme ba šomišitše Ebangedi bakeng sa go boelwa ga sebele, go dira tšhelete. Bontši bja bona ba na le matlolo a magolo le dikoloi, le dilo tše ba bego ba ka se tsoge ba ba natšo, go boelwa ga sebele. E sego bohle; ke leboga gore go sa na le mašalela.

⁷² Ka matšatšing a Esera, ge Esera a thoma go lla, le go biletša ntle le go kgalema sebe, a le tseba se se diregilego? Bakgethiwa bohle, ba ba bego ba tshepa Modimo, ba ile ba kgobokana go mo dikologa.

⁷³ Se re se hlokago lehono ke banna le basadi . . . Bareri ba lena ba a rera, dikereke tšeo, le go bitša sebe “sebe”, le go se kgalema, batho ba kgonthe ba Modimo ba tla kgobokana thwi godimo go le dikologa, le go dula le lena. Ke nnete. Ke nako ya go bitša ntle, le go bolela gore eng ke eng, go aroganya go nepa go tšwa go phošo. Modimo e fe go rena, gore re tla ba le tlhohleletšo go e dira.

⁷⁴ E no nagana gore go ka kgona go direga eng. Bjalo ka ge ke be ke le botša, ke a dumela, mosong wo, goba ke kwele yo mongwe a e bolela, gore godimo ga . . . Yo motee wa bahlokomegi ba ba hlokometšego; ke lebala se le se bitšago bjale, bakeng sa pomo, goba difofane tša go tla. E sego telele go fetile, go be go na le lenaneo le etla go kgabola felotsoko, fao ba biditšego ntle melokoloko ye megolo, le ditšete tša go poma tše makgolotharo le dipomo tša athomo le dipomo tša haetrotšene di lekeletše ka ntle ga tšona.

⁷⁵ E sego telele go fetile, ka go boemafofane bjo bogolo ka Shreveport; yo motee wa bašemane o sokologile ka kua ka go dikopano tša Ngwanešu Jack. O rile, “Re na le dipomo tša athomo di lekeletše ka go mafego a rena.”

Ke rile, “A ga o . . .”

⁷⁶ “Ka go . . .” Ke ra gore, “Ka go—ka go difofane; gomme re ya godimo le go itšhidulla ka tšona, letšatši ka letšatši.”

Ke rile, “A ga o boife?”

⁷⁷ O rile, “Ga di na le tša go rifola ka go tšona. Eupša re ntšha mahlo dinameng kudu, gore mo sekgaleng sa motsotso, metsotswana ye masometshela, re ka kgona go ba le direfodi ka kua gomme re ile. Gomme di tšhetšwe makhura le go ba komana, di ka kgona go fofela Engelane le bona, ka pela.”

78 Mafego a magolo a dutše ntle ka gare ga mawatlekgolo, kae kapa kae. Gomme ba re go Russia, “Ge o ka lahlela pomo e tee! E no lahlela pomo e tee ya athomo godimo ga U.N. goba felotsoko kua, gomme o lebelele se se diregago!”

79 E tla ba eng? E tla ba go gagara go eya go Russia. Gomme ge ba ka dira seo, ba thoma go lahlela tšeo tša athomo le tša haetrotšene dipomo, e tla hlola molokoloko wa go arabela wo o tla tshumago lefase go—go pete, feela ka go setološi. Le a tseba, e be e ka se ganetšane le Lengwalo ga nthathana. “Lefase le tla swa, le legodimo, le lona.” Diathomo tša lefase di tla swa.

80 Re phela ka go letšatši la kotsi. Re phela ka go letšatši ge banna ba lefase ba tšhogile go ya lehung. Banna ba bagolo, ba—ba boifa gore ke mang a yago go phatlola pomo yela la mathomo. Pomo ya mathomo ye e thunyago, nako yeo selo ka moka se ya ka go ra—ra rali.

81 E swanetše go ba nako ya lethabothabo kudu ka lefaseng go Mokriste. Dinako di ya go fetoga. Batšofadi ba ya go ba ba baswa. Oo, nna! Lehu le ya go tšhaba. Bolwetši bo ka se sa ba gona. Go ka se sa ba dikopano tša go rapelela balwetši. Go ka se sa ba dikopano tša go rapelela balahlegi. Eupša Modimo o tla tla le go tšea Bakgethiwa go tšwa diphefong tše nne tša lefase, gomme o tla ba kgobela ka tlase ga lefego la Gagwe mong, gomme re tla phela le go buša le Yena go ya go ile ka Legodimong la Gagwe.

82 Oo, ngwanešu, kgaetšedi, mogwera wa ka, ge o se wa lokela bošegong bjo, a nke o lokele mo iring ye. Ke go fa taletšo go tla go Kriste Jesu, bošegong bjo, le go amogela. Wena yo a bego a fapana, wena o tsebago gore ga o mo o swanetšego go ba gona le Modimo, ke go laletša go ya go aletara le nnamong. Ke laletša yo mongwe le yo mongwe wa lena go tla mo, gomme e sego feela go bolela, eupša go dula mo go fihla Modimo a hlwekišitše soulo ya gago go tloga go se sengwe le se sengwe se sa swanago le Yena, go fihla o ka kgona go ya ka ntle ga mo o le motho yo moswa. E sego ka pantisi ya lebele godimo, eupša o ye ka mo ka tšhollo ya Madi ye e hlwekišago madi a gago le go fa Bophelo bjo boswa le kholofelo ye mpsha. O ye ka ntle ka kolobetšo ya Moya wo Mokgethwa. O ye ka ntle, e sego o goeletša, e sego o bina, e sego bontši bjalo. . . Tšona dilo di lokile. Tšona dilo ke tša ka Kerekeng. Tšona tšohle ke tša ka Beibeleng. Eupša se ke bolelago ka sona ke Moya wo Mokgethwa, lerato la Modimo.

83 Lesogana le be le bolela le nna letšatši le lengwe. Mmagwe, mosadi morategi. Ke tsebile mosadi, ke kopane le yena gatee goba gabedi. Gomme o rile, “Oo, hani,” go mošemane wa gagwe, “etla mo, ke go nyaka o lebelela. Ke na le oli ka seatleng sa ka.” Gabotse, ke nayo, le nna. Ke fao ke bego ke etšwa kudumela. Bjale, a re, “Ke na le oli ka seatleng sa ka.” A re, “O nagana eng ka seo?”

84 Gomme mošemane o ile a lebelela go mmagwe, gomme a re, “Mme, ke nyaka go go botšiša se sengwe.” Mosadi o be a nyaka mošemane a rapele, a nyaka a rapele gore mosadi a be tshepelo sekgauswiuswi le Modimo. O rile, “Ge oli e etšwa ka seatleng sa gago, a e tšere go tloša kahlolo yohle ya gago? A e go file boitemogelo bjo bo bose le Modimo, ge oli . . .”

“Aowa.”

O rile, “Gona ke e tlogela e nnoši.” Ke yona.

85 Oo, lefase, lefase la bodumedi, batho ba pentecostal, ba lebeletše toro ya mosegare. Lefase, (le le bitšwago) lefase la go rutega, lefase la kereke ya leina, le lebeletše tharollo ye nngwe ye kgolo ye ba ka kgonago go kaonafatša kereke ya bona ya leina le go hwetša maloko a mantši ka go yona, “milione go feta,” le a tseba.

86 Gomme di—di ditšhaba di lebeletše mohuta wo mongwe wa maatla a sephodisa ao a ka tlišago lefase lohle matolong a bona, le go tliša toko.

87 Ngwanešu, ga e tle ka toro ya mosegare ya pentecostal. Ebile ga e tle ka mekgatlo ya Protestant goba ka tatelano ya ditulo ya Katoliki. Ebile ga e tle ka dipentagon, goba go phetla matlakala a maswa. E tla ka bophelo bja go neelwa go Jesu Kriste, ka kolobetšo ya Moya wo Mokgethwa. E ka ba eng e hlaelelago seo, ke phošo.

A re rapeleng.

88 Ke tla kgopela kgaetšedi wa rena go tla go okene mo, piano, ka nako ye. Ge re sa rapela, ge motho yo mongwe le yo mongwe a na le hlogo ya gagwe e inamišitšwe, gomme motho yo mongwe le yo mongwe ka thapelong. Ke a makala, ka go nakwana ye, ge o ka leka moya wa gago kgahlanong le Lentšu la Modimo. A le lokile?

89 Ka morago ga tirelo ye, bjalo ka ge ke le boditše. Ke na le mmatswale o robetše ka kua, go yona ntlha ya lehu. Ke swanetše go mmona. O a hwa. Bagwera ba bangwe, ba ke ba tsebago mo, ba ke ba etelago, bao ba robetše ka go ntlha ya lehu, batho ba ba dutšego ka kerekeng ye. Oo, ngwanešu, kgaetšedi, o tla tlase fao, le wena. O swanetše go tla tlase fao.

90 Bjale, o re, “Gabotse, ke—ke tseba seo, Ngwanešu Branham. Ke nepile go dira seo se lokišwe, a mangwe a matšatši a.” Eupša e ka no ba “a mangwe a matšatši a,” go wena. Le e ka no ba letšatši le nnoši.

91 Monna yola o tsebile bonnyane bjang, a etšwa California, a eya Michigan, letšatši le lengwe, le mosadi wa gagwe godimo mo, a otlela ko—ko koloi; yena ka go phikapo, ba eya legaeng la bona le leswa. O be a sa tšwa go rola modiro Sesoleng sa lewatle. O tsebile gabotse bjang ge a be a thoma go tloga mosong woo, mohlomongwe go tloga boemakepe bja boeti, gore mosadi wa

gagwe le lesea la gagwe ba be ba eya go ba ditopo metsotsong e se mekae? Eupša, feela ka godingwana ga Henryville kua, koloi ya bona ya thulana le pese. Gomme mootledi o dirile se—se . . . sefatanaga sa gagwe se mene legopo, gabotse, eupša se bolaile mosadi le mosetsana yo monnyane. Ke a tshepa soulo ya bona e be e lokile le Modimo.

⁹² Dibeke di se kae tša go feta, ge Ngwanešu Wood le nna re ile godimo mo go sefofane se se welego morago ka morago ga lefelo mo, gomme re be re bogetše ba goga diripa tša mebele ya banna ba seswai, ge dihlogo le maoto le matsogo di be di le gohle godimo ga lefelo. Go topela mmele godimo, gomme dikateng di wela ntle go tšwa mmeleng wa monna; monna yo mokaone, mohlomongwe, monna wa go tsebalega go tšwa Chicago. Ge monna yola a be a tsena ka sefofaneng mosong wola, ke a makala bošego bjo a ilego kerekeng, ge eba o be a na le maikemišetšo a mabotse. A modiša o ile a fa pitšo ya aletareng? A o ile a kgalemela sebe, gomme monna o bile le sebaka? Goba a o ile ka ntle bjalo ka phoofolo? A monna, ka sefahlegong sa Modimo, e be e le morwa wa Modimo?

⁹³ Naganang ka dilo tšeo, bagwera. Ke tše bohlokwa. Ga di bohlokwa feela, ke selo se bohlokwahlokwa kudu go lena iring ye. Ye ke nako ge o tla phetha le monagano wa gago. Ye ke nako ya ge o ka tšea sephetho sa gago sa bophelo bjo, sebakeng sa bophelo ka morago ga fa. A nke o se dire ge re sa rapela.

⁹⁴ Tate wa Magodimong, bjalo ka ge re bala ka Beibeleng ka se O se boletšego ka sebe, le bao ba se dirago gomme ba sa ipobole. Re lemoga gore go ra eng go hwa ntle le go tseba Modimo. Re tseba seo ka boitemogelo bja ba bangwe, bao re ba bonego ba eya. Bao ba bego ba ikemišeditše, bao ba fegago botelele kudu. Modimo, bao ba boletšego eupša ba se na le seo ba rilego ba be ba na le sona. Bao ba dirilego bjalo ka Bakriste, eupša go le bjalo ba se ba ke ba ba Bakriste. Bophelo bja bona bo e netefaditše, gomme lehu la bona le e dirile go bonagala.

⁹⁵ Bjale, Tate, ke a rapela gore O tla bolela go pelo ye nngwe le ye nngwe fa bošegong bjo. Le nnamong, Morena, go beng wa kgoga, go dilo tše dintši ke bego ke swanetše go be ke dirile gomme ga se ka di dira, ke ipobola phošo ya ka. Ke bobola diphošo tša batho ba. Ke bobola diphošo tša setšhaba se. Ke kgopela Wena go ba le kgaogelo, Morena. Ke na le bana ba bannyane ba bararo kua go ba godiša. Gomme re phela mo ka go lefelo le le kotsi, gomme, Modimo, ga go bohlokwa bja go tšhaba. O tseba tšohle ka yona. Modimo, ke nyaka go loka le Wena.

⁹⁶ Letšatši le lengwe, ge pomo ya athomo e sa re hwetše, go tlhekgemana go tla dira. Ge go tlhekgemana go sa re hwetše, bolwetši bjo bongwe bo tla dira. Se sengwe se swanetše go re tšea. Eupša re thaba kudu go tseba gore go na le tsela ya go phonyokga. “Leina la Morena ke—ke sebo, gomme baloki ba tšhabela kua go lona gomme ba bolokega.” Modimo, a nke modiradibe mogwera,

bošegong bjo, mošemane, mosetsana, monna goba mosadi, a bone lemati la go bulega, sebakabotse, gomme a tšhabele go Kriste iring ye.

⁹⁷ Bjale ge re sa na le dihlogo tša rena di inamišitšwe, a go na le ba bangwe mo, goba ba tla . . . Ke a tseba go ba bangwe mo ba ba ka ratago go re, ka seatla se se emišetšwa go Modimo, “Ke lewa ke dihlong ka bophelo bja ka. Gomme ke—ke nyaka go bobola diphošo tša ka pele ga Modimo, le go kgopela kgaogelo.” Phagamišetša seatla sa gago go Modimo. Modimo a go šegofatše. Modimo a go šegofatše. Modimo a go šegofatše. Go na le ba bantši ba lena, ba bantši ba lena. Ya. Go na le ba bantši ba lena mo, gape, bao . . . Modimo a go šegofatše.

⁹⁸ Ba bantši ba lena mo, ba ba boletšego Bokriste nako e telele, gomme o a tseba gore o paletšwe go goga mothalo wa Modimo, o a tseba o dira dilo thwi bjale tše o bego o se wa swanela go di dira. Gomme le a ya, ntle le go ipobola tšona, ka boiteso go phaphamala mmogo le lephoto. Go lebelela mananeo a le bego le se la swanela go a lebelela. Go lebelela mohuta wa dikgatišobaka le go bala sengwalwa se o sa swanelago go se bala. Ga gwa swanela Bakriste. Go theetša metlae ye mebe—mebe le ditšhila le go kgamathela ye o tsebago ga wa swanela go dira; bobedi banna le basadi. O tseba mafelo ao o swanetšego go be o boletše gomme ga se wa dira, gomme o na le molato, mohlomongwe, sebe sa go tlogela.

⁹⁹ Ke a makala ge o ka se phagamišetše seatla go Kriste, go ba le kgaogelo go wena, le go go lebalela. Phagamiša seatla sa gago. Modimo a go šegofatše, mohumagadi yo moswa; ge mosadi a sepelela ntle, go tla aletareng, go bobola tša gagwe. Phagamišetša seatla go Modimo. Modimo a go šegofatše. Ke nnete, morena. Ke nnete. Modimo a go šegofatše. Phagamiša seatla sa gago. O a tseba o dirile phošo.

¹⁰⁰ Ke a makala ge eba o na le tutuetšo, bošegong bjo, go kopana le nna mo aletareng. A re khuname go dikologa mo le go re, “Modimo, eba le kgaogelo go rena bohle. Re a Go hloka.” Modimo a go šegofatše, mohumagadi.

¹⁰¹ Go bona basadi ba baswa ba ba etla, ba lla, bophelo pele ga bona! Ba magahlanong a ditsela. Ke batšwasehlabelo ba diemo. Eng? Ao a lemoga, bakgalabje, ge re be re le bašemane, bašemane ba rena ba na le meleko ye atiša ka makga a lesome ye re bego re na le yona? Kgaetšedi, a o a lemoga gore morwediago o na le meleko ye atiša ka makga a lesome go ye o bilego nayo ge o be o le mosetsana? Morwediagwe o tla ba le eng? Lebelela dilo, diswantšho tše diabololo a di pentilego.

¹⁰² Oo, re hloka thapelo bjang! Bjale re tla ya morago go wena gape. Ngwanešu, a o a lemoga ga re rapele seripa bontši botate ba rena ba bego ba dira? Modiša, a o a tseba ga re bee nako ye ntši matolong a rena bjalo ka ge badiša pele ga rena ba be ba dira?

Basadi, a le a lemoga ga o laele morwedi wa gago, le go rapela le yena bošego, go swana le ka fao mmago a bego a dira ka wena? Gona, go reng ka yona, ke mang wa molato? Re na le molato. Ga go tsela ya go o šikologa. Re na le molato.

¹⁰³ Ke na le molato. Ke na le molato go se dire mošomo wa Modimo, bjalo ka ge ke swanetše go dira. Ke ipobola yona, gore ke phošitše. Ke kgopela Modimo go ba le kgaogelo go nna. Ke lebelela ntle mo le go bona dibakabotse tše ke di fošitšego, ka baka la dilo tše botse, tše nnyane, dilo tša kgale tša go se be bohlokwa tše di sa rego selo. Ke lewa ke dihlong nnamong, bjalo ka modiredi wa Ebangedi pele ga lena. Ke sokologa pele ga Modimo, le go kgopela Modimo go ntshwarela, le kereke go ntshwarela, ka go ba le kgoga ka mošomo wa Modimo. Ka mogau wa Modimo, le ka thušo ya Modimo, nka se—nka se theetše seo. . . Yo mongwe le yo mongwe o leka go go botša se sengwe go se dira. Ba na le lenaneotshepedišo. Ba na le se sengwe go wena go dira. Ditšiebadimo. Ke tseba lenaneotshepedišo la Modimo; le ngwadilwe ntle mo ka Beibeleng. Gomme ke lewa ke hlong ka nnamong bjalo ka modiredi wa Ebangedi. Disoulo tše milione o tee di thopilwe; ke swanetše go ba le milione tše lesome di thopilwego. Ke tsela morago.

¹⁰⁴ Go reng ka wena? Ke disoulo tše kae o di thopilego ge e sa le o le ka go Kriste? Bokriste bo no tloga go yo motee go ya go yo mongwe. Ke disoulo tše kae o di thopilego ge e sa le o eba Mokriste? Ge o sa thope disoulo, o na le molato, o moopa, o tlišitše dihlong go Kereke le go Ebangedi. Ke batho ba bakae o ba etšego ntle bakeng sa kopano ya thapelo ya Laboraro bošego? Ge o sa e dire, o swanetše go ba le hlong ka bowenamong pele ga Kriste. O na le molato, gomme lefelo la gago ke aletareng. Ke go laletša go tla le nna, bakeng sa tshokologo. [Ngwanešu Branham o a khutša—Mor.]

¹⁰⁵ Ka gona a le ka inamiša dihlogo tša lena, le go e swara e inamile motsotso, ge ke ekwa molato wa ka gomme ke rata go sokologa. E no inamiša hlogo ya gago. [Ngwanešu Branham o tlogela phuluphithi le go khunama aletareng—Mor.]

¹⁰⁶ Tate wa rena wa Magodimong, ke inama godimo ga aletara ye le go kgopela tebalelo ya sebe sa ka. Ke kgopela tebalelo ya dibe tša bao ba lego go dikologa aletara. Ke kgopela tebalelo sebakeng sa kereke ye, bakeng sa mmele—bakeng sa mmele wa badumedi setšhabeng le go ditšhabatšhaba. Ke kgopela kgaogelo bakeng sa rena, ka go ba le kgoga mabapi le dilo tša Mmušo. Ke a kgopela gore O tla re swarela dibe tša rena, le go tšea go tloša karogo ya rena—ya rena—ya rena. Gomme re swarele go beng mašilo, bakeng sa bošilo bja batho. Ka fao re hlaelwago! Ka fao re tšerego go šidulla mmele! Ka fao re dirilego dilo tše re bego re se ra swanela go di dira! Ka fao re dirilego sebe pele ga Gago!

107 Gomme ka kopanong ye ya Lamorena bošego, Tate, ka go bona moprofeta wa go galoga sefahlego wa Beibele, re galoga difahlego bošego bjo. Ke galoga sefahlego pele ga Gago, ka baka la dibe tša batho. Batho, setšhaba sa gešu, batho ba gešu, ke llwe ke dihlong ka bona, Morena. Go bona bahumagadi ba baswa ba sepela mekgotheng le go dira ka tsela ye ba lego! Go bona bommalegogwana, masogana ba phela ka go—ka go mehuta yohle ya bophelo! Go ba bona ba dula gae go thiša kerekeng, le go bala dikgatišobaka tša kgale ba sego ba swanela go di bala! Ba lebelela mananeo ao a sego a hlokolwa! Ba theetša metlae ya ditšhila ya Hollywood! Ba theetša mmino wa kgale wa morethetho wa bohlanga wa diabolo, wo o phaphašitšwego ntle go tšwa go banna ba go ba le tumo ya go se be botse le go ba le letswalo le lebe, khuetšo ya diabolo, go šušumetša mešomo ya diabolo godimo!

108 O Modimo, ke lewa ke hlong nnamong ka go se kgalemele ka tsela ye ke swanetšego. O Modimo, tloša molato wa ka. Ke kgopela Wena go e dira. Ke kgopela Wena go lebelela batho ba ba lego mo, pele, rena bohle. Re thuše go tsoga go tšwa go aletara ye bjalo ka banna le basadi ba baswa. Re thuše go tloga mo ka mokgwa wo Bakriste ba swanetšego go tloga.

109 Re thuše go “Go beela thoko boima bjo bongwe le bjo bongwe, le sebe se se re nyamišago ga bonolo, gore re kgone go kitima ka kgothalo lebelo le le beilwego pele ga rena.” Re lebeletše e sego go thelebišene, re se ra lebelela go borametlae ba lefase, eupša, “Re lebeletše go Mothomi le Mophethi wa tumelo ya rena, Morena Jesu Kriste, Yo a nyaditšego dihlong tša sefapano gomme a re rwalela sona, gomme a tlaišega ka ntle ga kgoro, gore A kgone go hlwekiša batho ka Madi a Gagwe.”

110 Re hlwekiše go tšwa go go se loke gohle, gomme re tšee bjalo ka bana ba Gago mong, bošegong bjo, gomme re amogele ka go thapelo ye ya tshokolo. Gomme re fe, Morena, khutšo le thabo. Gomme a nke mepete yohle, bošegong bjo, ge re robala, re gopole kopano ya bošego bjo, a nke re gopole maemo a lefase, ao Beibele e a utolotšego go rena bjale. Anke rena, ge re nagana ka yona, difahlego tša rena di rathwe ntle ke dihlong, gomme a nke O tliše khutšo le thabo go pelo ye nngwe le ye nngwe. Re a sokologa, Morena, pele ga Gago, godimo ga aletara ye.

111 Modimo, nthuše ge ke phuleletša pele bjale, ka tumelo, le go rapela gore ke ka go thato ya Gago, gore a mantši, a mantši, a mantši makgolo a batho ba ka thopelwa go Wena. Gomme nthuše go ba le tumelo le tlhohleletšo, ge ke sepelela pele; e sego go lebelela go e ka ba mang eupša Wena, Mothomi le Mophethi wa tumelo ya rena. Modimo, e fe.

112 Lebelela letikone le lengwe le le lengwe la kereke ye. Lebelela modiša. Lebelela maloko a kereke, Morena. Lebelela yo mongwe le yo mongwe dibe tšohle tša rena. Re lebelele, Morena.

Lebalela mosetsebjwe yo mongwe le yo mongwe ka kgorong ya rena. Gomme a nke re kwe khuetšo ya Moya wo Mokgethwa godimo ga bophelo bja rena, ka gore re kokobetše pele ga Gago, bošegong bjo, re sokologa ka pelo ya rena yohle, gore O tla re amogela le go re dira ba go kokobela, ba go homola, le go hlwekišwa, batho ba go kokobela bakeng sa tirelo ya Gago. Efa tšhegofatšo ye, Morena, godimo ga aletara ye re lego go yona. E fe. Gomme re inamiša hlogo tša rena le dipelo pele ga Gago. Leineng la Morwa wa Gago, Morena Jesu, re kgopela se. Amene, le amene.

Ke wa Gago, O Morena, ke kwele lentšu la
Gago,
Gomme le boletše lerato la Gago go nna;
Ke hlologela bjang go phagama ka matsogong
a tumelo,
Le go gogelwa kgauswiuswi le Wena.
Nkgogele kgauswiuswi, kgauswiuswi, Morena
wa go šegofala,
Go sefapano fao O hwilego;
Nkgogele kgauswiuswi, kgauswiuswi,
kgauswiuswi, Morena wa go šegofala,
Go le bohlokwa la Gago, lehlakore la go tšwa
madi.

¹¹³ Go bapela le aletara, bošegong bjo, magareng ga baena ba ka ba ba lego godimo mo godimo ga aletara, ke thabile go bona, bošegong bjo, e ka ba bontši banna bjalo ka ge go le basadi. Ka tlwaelo, ke basadi ba ba kgonago go thuba ga bonolo. Dipelo tša bona, go selo se sengwe ka bona, ba kgona go kgwathwa ga bonolo ka baka la bosadi. Gomme ke—ke bahumagadi, gomme dinako tše dingwe o ka kgona go ba kgwatha. Gomme ke thaba kudu go bona Moya wo Mokgethwa o kgona go kgwatha banna, le bona, le go ba tliša aletareng.

¹¹⁴ Gomme ke a makala ke ba bakae ba lena aletareng, bao ba khunamilego bjale, ba ba ikwelago gore ba dirile boineelo go Modimo, gore le tšwela ka ntle ga mo bošegong bjo, go phela bophelo bjo bokaonekaone, ka mogau wa Modimo, le go direla Mmušo wa Modimo go fetiša, le ka baka la Gagwe. A o ka phagamišetša seatla sa gago go Kriste, ge o le go dikologa aletara, wa re, “Ke a dumela gore bjale ke sokologile.” A nke Modimo a go šegofatše.

¹¹⁵ Ke ba bakae ba lena morago kua ba ikwelago gore le sokologile ka ditulong tša lena; le ikwelago le nyaka go ba ba bakaonekaone? Modimo a le šegofatše.

Bjale a re emeleleng.

¹¹⁶ Lena mo aletareng, lebelelang go dikologa ka tsela *yela*, ge le ka rata. Bjale, lena mo aletareng, phagamišang diatla tša lena ntle fao, gore le duma thapelo ya bona, gore o kgone go

tšwelapele. A le ka phagamiša diatla tša lena go ba ba lego ka batheeletšing? Go lokile. Bjale lena phagamišang diatla tša lena morago mo, aletareng mo, gore re le tla duma dithapelo tša bona, le lena. Gore re tla . . . Modimo o tla re thuša go dira. A nke Morena Jesu a re šegofatše.

Bjale, le se lebale tirelo ya Lamorena bošego.

¹¹⁷ Ao na le lentšu le o ka le bolelago, Ngwanešu Neville? [Ngwanešu Neville o bolela le Ngwanešu Branham—Mor.] Labobedi le Laboraro bošego. . . Mišene o lefelong lefe? [Ngwanešu Neville o a araba.] 1628 West Market, Labobedi le Laboraro le le tlogo bošego.

¹¹⁸ Gomme ka gona ka Mokibelo le Lamorena, ke tla be ke le Madisonville, Kentucky, ka otithoriamong kua. Gomme morago re ya pele godimo ka New York.

¹¹⁹ Bjale, lebaka le re lokologago e sa le ka pela, ke na le mmatswale yo a babjago kudu, kudu, gomme ba a mpitša. Bjale a re . . .

¹²⁰ A o na le lentšu le o nyakago go le bolela, Ngwanešu Neville? [Ngwanešu Neville o re, “Aowa.”—Mor.] Ga go selo.

¹²¹ A re inamišeng dihlogo tša rena nakwana feela, ge re rapela. Go lokile. Ka go nanya bjale:

Modimo a be le wena go fihla re kopana gape!

Ka . . .



MOPROFETA WA GO GALOGA SEFAHLEGO NST56-1125E
(A Blushing Prophet)

Molaetša wo ka Ngwanešu William Marrion Branham setlogong o abilwe ka Seisimane ka Lamorena mantšiboa, Nofemere 25, 1956, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya maknete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme e phatlalatšwa ke Voice Of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

www.branham.org